

Қазақстан Республикасы Үкіметінің 2000 жылғы 13 наурыздағы N 383 қаулысына өзгерістер мен толықтырулар енгізу туралы

Күшін жойған

Қазақстан Республикасы Үкіметінің 2003 жылғы 22 желтоқсандағы N 1294 қаулысы. Күші жойылды - ҚР Үкіметінің 2006 жылғы 14 желтоқсандағы N 1203 қаулысымен

Ескерту. Қаулының күші жойылды - ҚР Үкіметінің 2006 жылғы 14 желтоқсандағы N 1203 қаулысымен.

Қайталама қара және түсті металдардың рыногын реттеу мақсатында Қазақстан Республикасының Үкіметі қаулы етеді:

1. "Қайталама қара және түсті металдар рыногы туралы" Қазақстан Республикасы Үкіметінің 2000 жылғы 13 наурыздағы N 383 қаулысына (Қазақстан Республикасының ПҮКЖ-ы, 2000 ж., N 15 148-құжат) мынадай өзгерістер мен толықтырулар енгізілсін:

1) 3 - т а р м а қ т а :

"Қазақстан Республикасының Мемлекеттік кіріс министрлігі" деген сөздер "Қазақстан Республикасы Қаржы министрлігінің Салық комитеті" деген сөздермен ауыстырылсын;

"Экономика" деген сөз "Индустрия" деген сөзбен ауыстырылсын;

2) көрсетілген қаулымен бекітілген Заңды тұлғалардың қара және түсті металдардың сынықтары мен қалдықтарын жинау (дайындау), сақтау, қайта өңдеу және сату жөніндегі қызметті лицензиялаудың ережесінде:

2-тармақтағы "Экономика" деген сөз "Индустрия" деген сөзбен ауыстырылсын;

мынадай мазмұндағы 2-1-тармақпен толықтырылсын:

"2-1. Осы Ереженің әрекеті қызметінің мәні қара және түсті металдардың сынықтары мен қалдықтарын жинау (дайындау), сақтау, қайта өңдеу және сату болып табылмайтын заңды тұлғаларда жинақталған түсті және қара металдардың сынықтары мен қалдықтарын сатуға қолданылмайды.";

7-тармақтағы "металдар (қорытпалар)" деген сөздер "қорытпалар" деген сөзбен ауыстырылсын;

1 1 - т а р м а қ т а :

бірінші абзацта "оның филиалдары мен өкілдіктерін қоса алғанда" деген сөздер алынып тасталсын;

үшінші абзац мынадай редакцияда жазылсын:

"Қабылдау пункттері тек Лицензиаттың негізгі өндірістік базасы немесе филиалы (өкілдігі) орналасқан облыста, Астана және Алматы қалаларында ғана ашылуы мүмкін. Лицензиар оң шешім қабылдағаннан кейін қабылдау пункттері олардың орналасқан жері көрсетіліп, Лицензияға қосымшамен ресімделеді."; мынадай мазмұндағы 13-1-тармақпен толықтырылсын:

"13-1. Ұсынылған құжаттар парак саны көрсетіліп тігілген, мөрмен бекітілген, заңды тұлғаның бірінші басшысы қол қойған болуы тиіс (құжаттардың көшірмелері нотариалды куәландырылған болуы тиіс).";

19-тармақтағы "15 күннің" деген сөздер "30 күннің" деген сөздермен ауыстырылсын;

20-тармақтың екінші сөйлемі мынадай редакцияда жазылсын:

"Лицензиар оң шешім қабылдағаннан кейін филиалдар (өкілдіктер) олардың орналасқан жерін көрсете отырып, Лицензияға қосымшамен ресімделеді.";

20-1 және 20-2-тармақтар алынып тасталсын;

21-тармақ мынадай редакцияда жазылсын:

"21. Түсті және қара металдардың сынықтары мен қалдықтарын жинау (дайындау), сақтау, қайта өңдеу жөніндегі қызметке (металлургиялық қайта жасауды қамтымайтын) Лицензия алуға үміткер заңды тұлғаларда мыналар болуы тиіс, оның ішінде меншік құқығында:

1) өрт қауіпсіздігі, тау-кен-техникалық және экологиялық қадағалау талаптарына жауап беретін санитарлық және құрылыс нормалары мен ережелеріне сәйкес келетін мамандандырылған өндірістік база;

2) жер учаскесі (ұзақ мерзімді жалға алу құқығында пайдаланылуы мүмкін).

Аумақ қоршалған, күзетілетін және мынадай мөлшерлерде болуы тиіс: түсті металдардың сынықтарымен және қалдықтарымен жұмыс істеу үшін - кемінде 400 шаршы метр;

қара металдардың сынықтарымен және қалдықтарымен жұмыс істеу үшін - кемінде 1000 шаршы метр.

Аумақ автокөлік үшін кірме жолдармен және кірме темір жолдармен қамтамасыз етілуі тиіс.

Сынықты жинау (дайындау), сақтау және қайта өңдеу орны асфальтталуы немесе онда қатты жабынды болуы тиіс;

3) санитарлық және өрт қауіпсіздігі талаптарына жауап беретін жұмыс істейтін қызметкерді орналастыру үшін қызметтік үй-жай;

4) кемінде 50%-і тіркелген және тау-кен-техникалық қадағалау саласындағы уәкілетті органдар қызметтерінің тиісті рұқсаты бар электромагниттік шайбамен не грейферлік қапсырулармен жарақталуы тиіс кемінде жүк көтергіштігі 5 тонна стационарлық немесе ұтқыр жүк көтергіш жабдық, сондай-ақ жүк көтергіш крандарды пайдалануға Қазақстан Республикасының Энергетика және

минералдық ресурстар министрлігі берген мемлекеттік лицензияның болуы;

5) қара металдар сынығын отпен кесуге арналған жабдық, оның ішінде қысыммен жұмыс істейтін сосудтарды пайдалануға Қазақстан Республикасының Энергетика және минералдық ресурстар министрлігі берген мемлекеттік лицензия болған кезде қысыммен жұмыс істейтін сосудтар (репициенттер);

6) оттегі және пропан бар баллондарды сақтауға арналған орын;

7) бас кәсіпорында қара металдардың салмағы жеңіл сынығын, су пышақтарды пакеттеуге арналған прес, жоңқаны сорттауға және ұсақтауға арналған қондырғы;

8) бас кәсіпорында кәсіпорындардан және ұйымдардан металл сынықтарын дайындау үшін автокөлік (КАМАЗ-дар, МАЗ-дар, автокрандар мен басқа да автокөлік);

9) таразы шаруашылығы (автомобиль, темір жол таразылары) және мемлекеттік тіркелімге енгізілген, тиісті орган тексерген басқа да метрологиялық жабдық;

10) қара металдардың сынықтары мен қалдықтарын және қорытпаларды топтары, түрлері, маркалары мен сорттары бойынша бөлек сақтауға арналған контейнерлер немесе алаңдар;

11) түсті металдардың сынықтары мен қалдықтарын сақтауға арналған жабық үй-жайлар не қалқалар;

12) сынықтар мен қалдықтарды сорттауға, кесуге және пакеттеуге арналған жабдықтар мен құрал-саймандар бар арнайы алаңдар немесе өндірістік үй-жайлар;

13) өрт қауіпсіздігінің міндетті талаптарына жауап беретін (МЕМСТ 12.1.004-76) және өрт сөндіру құралдарымен жарақталған өндірістік объектілер;

14) өрт сөндіру құралдарымен жарақталған түсті және қара металдардың жарылыс қаупі бар сынықтарына арналған қойма;

15) өнеркәсіптік пайдалануға рұқсат етілген, мемлекеттік тіркелімге енгізілген және тиісті орган тексерген қара және түсті металдардың сынықтары мен қалдықтары радиациясының деңгейін өлшеуге арналған дозиметрлік жабдық;

16) МЕМС-тардың талаптарын орындауды қамтамасыз ететін пайдаланатын жабдықпен жұмыс істеуге арналған білікті қызметкер және металдардың сынықтары мен қалдықтарын жинау (дайындау), сақтау, қайта өңдеу және сату мәселелеріне қатысты нұсқаулықтар;

17) аудиторлық ұйым растаған кемінде 80 000 (сексен мың) айлық есептік көрсеткіш мөлшеріндегі қысқа мерзімді активтер;

18) заңды тұлға мен филиалдарды мемлекеттік тіркеу туралы куәліктің көшірмесі;

19) Лицензиат бекіткен Түсті және қара металдардың сынықтары мен қалдықтарын жинау (дайындау), сақтау және қайта өңдеу жөніндегі нұсқаулық;

20) электронды мониторинг желісіне қосуға және оны бас ұйым үшін жүргізуге арналған компьютерлік техника мен тиісті бағдарламалық қамтамасыз ету ;

21) стандарттау, метрология және сертификаттау саласындағы уәкілетті органның түсті және қара металдардың сынықтары мен қалдықтарын жинау (дайындау), сақтау және қайта өңдеу шарттары бойынша тексеру актісі.";

23 - тармақта :

екінші абзац мынадай редакцияда жазылсын:

"Лицензиат Лицензиарға жыл сайын Лицензиар бекіткен нысан бойынша есептіден кейінгі жылдың 15 наурызынан кешіктірмей жылдың қорытындылары бойынша қызметі туралы есепті ұсынады. Тоқсан сайын, есепті кезеңнен кейінгі айдың 25-күннен кешіктірмей Лицензиат Лицензиар мен Қазақстан Республикасы Қаржы министрлігінің Салық комитеті бекіткен нысандар бойынша электронды мониторинг жүргізу үшін есепті Қаржы министрлігінің Салық комитетіне ұсынады." ;

мынадай мазмұндағы абзацпен толықтырылсын:

"Ай сайын, есептіден кейінгі айдың 15-күнінен кешіктірмей Лицензиат тіркеу орны бойынша салық комитетіне сынық тапсырушының тегін, атын және әкесінің атын, сынық тапсырушының СТН-ін, тапсырылған сынықтың санын, беруге арналған соманы және Қазақстан Республикасының Салық кодексіне сәйкес ұсталған табыс салығының сомасы мен басқа да салықтарды төлеуді көрсете отырып, түсті және қара металдардың сынықтары мен қалдықтарын дайындау туралы есепті ұсынады (электронды тасымалдаушыда).";

28-тармақ мынадай редакцияда жазылсын:

"28. Лицензиат лицензияның қолданылуын тоқтата тұру туралы жазбаша хабарлама алған күннен бастап түсті және қара металдардың сынықтары мен қалдықтарын жинауды (дайындауды), қайта өңдеуді және сатуды тоқтатады, салық органының және әкімдіктің өкілдерімен бірлесіп үш күн ішінде сынықтар мен қалдықтардың қалдығын түгендеу актісін жасайды.";

3) көрсетілген қаулымен бекітілген қара және түсті металдардың сынықтары мен қалдықтарын жинау (дайындау), сақтау, қайта өңдеу және сату жөніндегі қызметке арналған лицензиялардың нысанының 2-қосымшасындағы "Елтаңба" және "Лицензия" деген бөлімдер алынып тасталсын.

2. Қазақстан Республикасының Индустрия және сауда министрлігі:

1) бұрын белгіленген нысанға сәйкес нысан бойынша түсті және қара металдардың сынықтары мен қалдықтарын жинау (дайындау), сақтау, қайта өңдеу және сату жөніндегі лицензиялардың берілуін қамтамасыз етсін;

2) үш ай ішінде заңнамада белгіленген тәртіппен түсті және қара металдардың сынықтары мен қалдықтарын жинау (дайындау), сақтау, қайта өңдеу және сату жөніндегі қызметті лицензиялау саласындағы заңнама талаптары бұзылып берілген лицензияларды қайтару жөнінде шаралар қабылдасын.

3. Осы қаулы 2004 жылғы 1 қаңтардан бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі